

Sarajevo, 27.01.2023. godine

Skupština Kantona Sarajevo

Admela Hodžić, zastupnica u Skupštini Kantona Sarajevo

KANTON SARAJEVO

SKUPŠTINA KANTONA SARAJEVO

VLADA KANTONA SARAJEVO

ZASTUPNIČKA INICIJATIVA

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo“, broj 41/12 - drugi novi prečišćeni tekst, 15/13, 47/13, 47/15, 48/16, 9/20, 14/20), podnosim inicijativu Vladi Kantona Sarajevo da se u što kraćem vremenskom periodu izdvoje sredstva u iznosu od 200.000,00 KM za pomoć Općini Hadžići, koju je u proteklom periodu zadesilo veliko nevrijeme uslijed čega su u kratkom vremenskom periodu bujične poplave nanijele znatnu materijalnu štetu lokalnom stanovništvu Trčina a dijelom i Pazarića, te da se novčana sredstva usmjere za rekonstrukciju i sanaciju lokalnih potoka, potpornih zidova, putne infrastructure kao i nastale materijalne štete građanima na privatnim posjedima.

OBRAZLOŽENJE

Svjedoci smo posljednjih mjeseci da je već nekoliko puta poplavljeno više naselja na općini Hadžići usljed izljevanja lokalnih potoka u Tarčinu i Pazariću i tom prilikom pored opće opasnosti po ljudske živote prouzrokovana je i znatna materijalna šteta lokalom stanovništvu zbog poplva.

Možemo da primijetimo da se svaki put prilikom svake jače kiše mjesni potoci izliju i prouzrokuju poplave u glavnom na istim područjima. Također, mogli smo da vidimo da su građani svojim sretstvima i amaterski izgrađenim potpornim zidovima, improvizovanim zaštitinim zidovima

nemoćni da sami djeluju i pored najbolje želje i volje da samostalno štite svoje privatne posjede i da ne zavise ni od koga, ali moramo biti svjesni činjenice da samo uz stručnu pomoć rekonstrukcije i izgradnje potpornih zidova putne infrastrukture, čišćenje i proširivanje i produbljivanje riječnih korita možemo dugoročno riješiti ovaj problem i zaštititi živote i imovinu građana. Ne možemo dopustiti da u 21. vijeku svaka jača kiša dovede do toga da u naseljima gledamo kako se kompletna porodica mora snalaziti za smještaj kod rodbine i prijatelja tražeći sigurnija mjesta da ne stradaju od poplava. Dežure po noći uz obaale rijeka i mjesnih potoka postale su sastavni dio njihovih života zbog čega moramo brzo djelovati na svim mjestima gdje to možemo prevenirati i pomoći pri rješavanju ovakvih i sličnih problema. Naša dužnost i obaveza je dati maksimalan doprinos u zaštiti ljudskih života i imovine.

Zbog svega navedenog molim Vladu Kantona Sarajevo da što prije razmotri ovu inicijativu i učini sve kako naredne sezonske obilne padavine ne bi prouzročile lokalnom stanovništvu ovakve i slične probleme i dovelo u opasnost živote i imovinu građana.

Admela Hodžić
Zatupnica u Skupštini Kantona Sarajevo